

Biblia alang sa Kabataan
motanyag

Datu nga
Tawo,
Kabus nga
Tawo



Gisulat ni: Edward Hughes

Gihulagway ni: M. Maillot; Lazarus
Alastair Paterson

Gipahaom ni: M. Maillot; Sarah S.

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2023 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.



Kahibaw si Hesus nga daghan sa mga relihiyoso nga mga lider ang mas nagahigugma sa kuwarta labaw pa sa Diyos. Gisultihan niya ang nahitabo sa duha ka tawo, ug nganong walay kapuslanan ang pagbaton ug bahandi nga walay Diyos. Ang bahandi dili makapalit ug kinabuhi uban sa Dios sa Langit.



May usa ka
sigurado na dato
nga tawo nga may
matahom nga
sinina nga
nagkantidad ug
daku nga kuwarta.
Nagsinina siya
sama sa usa ka
hari.




Ang dato nga tawo mikaon ug usab pag-ayo. Ang matag kaon murag usa ka dakong kombira. Daghan kaayo siyag kuwarta nga iyang mapalit bisan unsa nga gusto niyang makaon alang sa pamahaw, paniudto, panihapon - o alang sa tunga-tunga sa meryenda.



Sa ganghaan sa balay sa dato na tawo adunay naghigda nga usa ka kabus, masakiton, gigutom nga makililimos. Ang iyang pangan mao si Lazaro.





Kaluoy ni Lazaru napuno kini ug mga samad. Basin naa siyay sakit. Mahimo nga siya adunay mga samad ug mga bun-og gikan sa uban nga dili maayo kaniya. Tingali siya adunay mga samad tungod kay siya walay maayong pagkaon sama sa gatas, utanon o karne.



Si Lazaro
nangandoy
ug pagkaon.
Malipay na
siya sa mumho
nga gikan sa
lamisa sa mga
datu na tawo.




Ang mga libud-suroy
nga mga iro usahay
gipapadpad
ngadto sa
kabus nga
walay mahimo
nga makilimos.
Ilang gisimhot
ang iyang
palibot ug gitilapan
ang iyang mga
samad. Daw walay
nagpakabana
nga si Lazaro
gigutom.



Usa ka buntag
niana, si Lazaro
wala na momata.
Ang kabus
nga gigutom,
walay higala
nga makilimos
mibiya na niini
nga kinabuhi.
Si Lazaro
namatay na.



Nagsugod ang kalipay alang kang Lazaro sa higayon nga siya namatay. Si Jesus miingon nga gidala siya sa mga anghel aron makauban si Abraham. Si Lazaro gihupay sa Diyos.



Namatay usab ang dato. Ang tanan niyang kuwarta dili makaluwas sa iyang kinabuhi. Sa pag-abot sa kamatayon, walay makapugong niini.



Gilubong ang dato. Tingali kini usa ka dako nga lubong. Tingali gidayeg sa mga tawo ang dato nga tawo tungod sa pagkamaalamon ug malampuson niini. Apan ang ilang pagdayeg wala makatabang kaniya. Ang dato nga tawo didto sa Impyerno.



Sa Impiyerno, ang datu nga tawo misinggit, "Amahan na Abraham, ipadala si Lazaro aron iyang ituslob ang tumoy sa iyang tudlo sa tubig ug pabugnawan ang akong dila; kay ako gisakit niini nga kayo."




“Sa kinabuhi ikaw adunay tanan ug si Lazaro walay bisan unsa,” gipahinumdoman ni Abraham ang dato nga tawo. “Karon si Lazaro mao ang gihupay ug ikaw gisakit. Walay makatabok sa dakong bung-aw tali kanimo ug kanamo.”



“Ipadala si Lazaro aron pasidan-an ang akong lima ka igsoon,” mihangyo ang dato na tawo. “Dili ko ganahan nga sila matapos niining dapit sa pagsakit.”



"Ang imong mga igsoon adunay Pulong sa Dios," mitubag si Abraham. Kon ang lima ka magsoon dili motuo sa Bibliya, sila dili motuo kon si Lazaro mabanhaw gikan sa mga patay.



Sa dihang nahuman ni Jesus ang sugilanon bahin sa tawong dato ug kang Lazaro, lagmit ang mga relihiyosong mga lider nangutana sa ilang kaugalingon, "Gihigugma ko ba ang bahandi labaw pa sa akong paghigugma sa "Diyos?" Karon nahibalo na sila kon unsay mahitabo kon dili sila maminaw sa Pulong sa Diyos.



Datu nga Tawo, Kabus nga Tawo

Estorya gikan sa Pulong sa Dios, ang Biblia,

makita sa

Lucas 16

"Ang pag-abot sa Imong mga Pulong
nagahatag og kahayag." Salmo 119:130





Ang Kataposan

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

